



# SØRE SUNNMØRE REINHALDSVERK ÅRSRAPPORT 2021



Saman tek vi vare på ressursane

## Auka fokus på sortering gir lågare gebyr

Koronarestriksjonane ser endeleg ut til å sleppe taket, og samfunnet går meir og meir tilbake til normalen. Renovasjon er ei teneste som er kritisk for samfunnet der hjula må haldast i gang, og SSR kom seg godt igjennom pandemien utan at vi vart råka av større smitteutbrot.

Som bedrift merkar vi likevel at vi lever i ei uroleg tid med etterverknad av ein koronapandemi, krig i Europa og lang leveringstid og prisvekst på mange varer, noko som gjer det utfordrande å forutsjå både kostnader og inntekter.

Høgare prisar på straum, og ikkje minst svært høge drivstoffprisar gjer at driftskostnadane våre har auka betydeleg i året som har gått. Framtida er nok elektrisk, også for renovasjonsbilar, men det er enda litt fram i tid før teknologien, og ikkje minst rekkevidda, er god nok til at vi eventuelt startar omlegginga til elektrisk bilpark.

Statistikken viser at miljøstasjonane våre har vore meir besøkte i perioden med korona, og at vi har fått ein liten nedgang i leverte avfallsmengder no når ting går tilbake til normalen. Ser ein på dei totale avfallsmengdene i 2021 leverte vi 8897 tonn avfall, mot 9768 tonn året før. Dette er om lag det same som i 2019, året før pandemien. Pr. innbyggjar vert dette 358 tonn i 2021 mot 390 tonn året før.

Vi ser og at vi vert stadig flinkare til å utsortere avfallsfraksjonar, både på miljøstasjonane og i heimane. Sortert avfall er ein resurs som kan gjenvinnast og utsorterte avfallsfraksjonar gjer at det kostar oss mindre å levere desse vidare nedstraums i verdikjeda, eventuelt at vi også i mange tilfelle får betalt for å levere sorterte enkeltfraksjonar vidare til materialgjenvinning i staden for å måtte betale for å levere dei til t.d. forbrenning eller deponi. Høge prisar på enkelte fraksjonar som t.d. stål og papp, fører og til at det gir stor gevinst å sortere - både for miljøet og for økonomien.

Målet vårt som leverandør av renovasjonstenester er at vi skal levere eit godt, og stadig betre tilbod til deg som abonnent - og det til ein så låg kost som mogleg. Når det gjeld renovasjonsgebyr har målretta satsing og utvikling over tid gitt resultat, og vi ligg godt an samanlikna med reinhaldsverka vi har i området rundt oss. Vi har dei to siste åra ikkje hatt auke i gebyra, noko som om ein tek omsyn til prisveksten, er ein reell nedgang i renovasjonsgebyra. Målet er å halde ein moderat gebyrvekst i åra som kjem, sjølvstg vil vi aller helst unngå gebyrauke i det heile.

Sortering av avfall lønner seg - både for miljøet og for lommeboka.



Arnstein Myklebust  
dagleg leiar


Takk for at du kjeldesorterer!



# INNHALD


Avfall per innbyggjar 2021	s 4
Kva skjer med det du kastar?	s 6
Det farlege i boks	s 8
I fyr og flamme	s 10
Brann i nedgravd løysing	s 12
Returkartonglotteriet	s 13
Nettverk Marin Forsøpling M&R	s 14
Glimt frå året	s 15
Resultat og rekneskap	s 16
Frå revisor	s 23
Årsmelding/eigarmelding	s 25

# Dette kasta vi samanlikna med året før



**2020**


9768 tonn



25 018 innbyggjarar

**2021**

8897 tonn



24 870 innbyggjarar



Det var totalt meir avfall per innbyggjar i 2020 enn i 2019. Koronapandemien har truleg litt av skulda for det.

I året 2021 har mengda med avfall gått ned igjen og stabilisert seg på eit nivå som svarar til omtrent det same som i 2019, før pandemien!





# Avfall per innbyggjar

Avfall målt i kilo




**2020**

390 kg



**2021**

358 kg




# ... og slik vart avfallet nytta i 2021

Når vi sorterer det vi kastar, tek vi vare på råvarene og let dei få nytt liv.




## Materialgjenvinning

5855 tonn




\* Materiale som ikkje teke med i grafen er 40 tonn gips, 12 tonn EPS, 5 tonn tauverk/garn/nøter.




## Energigjenvinning

2795 tonn





**Materialgjenvinning** er å gjenvinne avfallet slik at dei ulike materiala kan brukast på nytt. Då reduserer vi behovet for å hente ut nye naturressursar.

**Energigjenvinning** er å sende avfallet til eit forbrenningsanlegg der varmen blir nytta til å skape varmt vatn og straum. Samtidig tek ein helse- og miljøskadelege stoff ut av krinsløpet.




### Deponi

247 tonn



### Gjenbruk

264 tonn



**Deponering** av avfall er det som ein før i tida kalla søppelfyllingar. I dag skjer det under forsvarlege og kontrollerte forhold. Det er ikkje lov å deponere avfall som kan brytast ned i Noreg.

**Gjenbruk** er å bruke ting om igjen i staden for å kaste dei. Å arve klede, levere ein vase til bruktbutikken eller å selje den brukte sofaen din vidare, er viktige bidrag for å redusere avfallsmengda.



# Det farlege i boks



I februar fekk alle innbyggjarane på Kvamsøya, Sandsøya og Voksa ein nykomar på døra. Vi leverte ut ein raud boks til farleg avfall.

To medarbeidarar brukte to dagar på oppdraget, å levere ut farleg avfalls-boksen saman med ei infobrosjyre til kvar husstand. Akkurat desse februar dagane var det uvanleg mykje snø på Ytre Søre Sunnmøre. Men kombinasjonen strålende sol, kvite øyar, blått hav, grøn bil og raud boks skulle vise seg å vere god - og gav oss to annleis arbeidsdagar i nydelege omgivnader.

Bakgrunnen for at SSR ville prøve ut denne ordninga på øyane i Sande kommune, er at vi tidlegare hadde måtte hente inn dei populære konteinarene vi hadde ståande for innsamling av farleg avfall. Årsaka var tydelege signal frå Fylkesmannen i Møre og Romsdal om at oppbevaring av farleg avfall på denne måten er ulovleg og kan medføre ein vesentleg brann- og sikkerheitsrisiko.

For å likevel legge til rette for at dei som bur på Kvamsøya, Voksa og Sandsøya skal få kvitte seg med farleg avfall på ein enkel måte, delte vi ut dei raude boksane. Då må kvar enkelt oppbevare det farlege avfallet heime med seg

sjølv, fram til dei får levert det direkte til oss. Mellomleddet med felles oppbevaring utan sortering og tilsyn av fagfolk, fell dermed vekk. Naborenovasjonsselskapa våre VØR og Årim har tidlegare hatt gode erfaringar med å gjere det same.

På grovavfallshentedagane på øyane framover, får innbyggjarane no også levere farleg avfall i tillegg til grovavfall, EE-avfall og metall, noko dei ikkje har hatt tilbod om tidlegare. På tampen av 2021 hadde vi fått testa dette to gonger, og det fungerte fint. Då har SSR-tilsette med kompetanse på farleg avfall tatt imot, sortert, plassert og frakta avfallet på ein sikker måte.





**BLÅTT HAV, GRØN BIL:** Ein uslåeleg kombinasjon.



**DOLLSTEINEN:** Utsyn mot Dollsteinen frå Skare.



**LYSET:** Få ting er så vakkert som lyset ein vinterdag på Søre.



# I fyr og flamme



Ein kald februar dag i 2021 blei det uvanleg heitt i Saunesmarka. Då fekk alle tilsette bryne seg på noko av det vi fryktar mest.

Denne snødekte onsdagen var det nemleg tid for brannøving av den realistiske sorten. Både flamar og røyk stod høgt til vers kvar gong karane frå Myklebust brannsikring starta ein liten minibrann nokre meter framføre oss.

Væpna med ei tjuetals brannsløkkingsapparat i ulik størrelse, fekk vi kvar vår gong prøve oss på å ta knekken på glupske flamar. Det gjaldt å ta dei ved rota, var rådet vi fekk.

Avslutningsvis fekk vi sjå kva som skjer når eit litiumbatteri tek fyr, denne gongen heldigvis i kontrollerte former. Som venta viste det seg å vere svært vanskeleg å slukke.

Kvar dag omgir vi oss med situasjonar der det kan oppstå brannrisiko - både ute på bil og inne på miljøstasjonane og anlegget vårt. Vi har til no vore skåna for storbrann, men har hatt fleire mindre hendingar som kunne ha utarta hadde det ikkje vore for kjappe reaksjonar.

Brannøvinga denne vinterdagen gjorde oss heldigvis endå eit hakk betre rusta til å takle framtidige branntilløp. Vi takkar Myklebust brannsikring for ei lærerik øving der alle flammene måtte finne seg i å bli tatt kjapt knekken på.



**ØVING PÅ SLØKKING:** Her prøver Ida og Jon Arne (bilete i topp) seg på sløkking av brennande væske.





**HØG TEMPERATUR:** Tilsette fekk etter tur og orden prøve seg på ei spanande og lærerik utfordring.





# Brann i nedgravd løysing i Hareid

På kvelden 18. mai starta det å brenne i den nedgravde tanken for restavfall i Kjøpmannsgata på Hareid.

Politi og brannvesen var raskt på staden for å slukke. Deretter kom SSR med krokbil for å tømme innhaldet over i ei krokkasse som vi fekk frakta vekk til ein sikker stad. Alt gjekk heldigvis fint - og vi takkar dei dyktige folka i naudetatane. Dersom brannen hadde starta i ein dunk inntil ein husvegg, er det ikkje sikkert hadde gått like bra som det gjorde denne gongen.

Etter gjennomgang av innhaldet i tanken saman med Hareid og Ulstein brannvesen, viste det seg at syndaren truleg var eit feilkasta litiumbatteri. Dette er batteri som er mykje brukt i til dømes røykvarslarar, vektor og høyreapparar. Batteriet har anten vore skada eller så har det kome i kontakt med metall i tanken. Innhaldet i tanken avslørte også anna metall, elektronikk og farleg avfall.

Hendinga var ei viktig påminning på konsekvensane av å kaste noko som kan vere brannfarleg feil stad.

Hugs at batteri, metall, elektronikk og farleg avfall er kostnadsfritt å levere på miljøstasjonane for privatpersonar. Då er du med på å redusere brannfaren og bidreg til at viktige råvarer kan bli brukte om igjen!



**Gjennomgang:** Driftsleiar Rune Tarberg og branningeniør Live Gandborg frå Hareid og Ulstein brannvesen ser gjennom innhaldet i tanken.





# Returkartonglotteriet

Skylling og bretteing har gått sin vande gang også i 2021.

Kvart år trekk Grønt Punkt Norge ut 124 vinnarar over heile landet som deler ein pott på 1,6 millionar kroner. Fire av disse blir den heldige vinnaren av 100 000 kr.

Dette året hadde vi heile **tre vinnarar** av returkartonglotteriet, to som vann 10.000 kr gevinsten og ei som var så heldig og vann storgevinsten på 100.000 kr! Det som gjeng igjen blant vinnarane er at dei har fått ei rutine på det som omtrent går på autopilot.

Miriam, Gunnar og Kari er eit godt bevis på at det nyttar.

- Trikset er å ha ein vassfast tusj godt tilgjengeleg på kjøkenet, seier Kari. Då gløymer ein ikkje å merke kartongen og skrifta held seg.

## ENDRINGAR I LOTTERIET

Tidlegare var det slik at berre ein kartongkubbe med seks kartongar i kunne sikre deg storgevinsten, men no er dette endra.

Frå og med 2022 er både enkle kartongar og kartongkubbar likeverdige lodd i returkartonglotteriet! Dette blir gjort for å gjere lotteriet like rettferdig for alle og at alle skal ha den same vinnarsjansen.

All drikkekartong kan faktisk vere eit lodd i lotteriet. Dette gjeld ikkje berre mjelkekartongar, men også drikkeyoghurt, kefir, juice, vin, bønner, tomat, saus og pudding.







# Nettverk Marin Forsøpling Møre og Romsdal

Endeleg var det mulig for Nettverk Marin Forsøpling Møre og Romsdal å samlast fysisk igjen. 5-7 november gjekk den innhaldsrike samlinga av stabelen i Molde.

Helga inneheldt alt frå korleis bygg og anleggsbransjen kan bli betre på avfallssikring, til ein tur under havoverflata med OL-roar og fridykkar Martin Helseth, marinbiolog, dykkar og prisbelønna fotograf Vasco Pinhol og fridykkar Marko Polter.

Vi fekk også ei oppdatering frå den kommersielle ryddinga i Rydd Norge-programmet av Handelens Miljøfond, men det var den frivillige ryddinga og ryddarane på dei ulike stadane i fylket som var i høgsetet for helga.



SSR er glade for å vere ein del av eit nettverk som bygger bruer mellom ryddarar, næring, forskarar, forvaltning og alle andre som vil ta vare på havet, miljøet og naturen langs kysten vår.

Alle som ønsker eit reinare hav kan vere med i Nettverk Marin Forsøpling Møre og Romsdal.

Du finn nettverket på Facebook. **Saman er vi sterke!**



Foto: Vasco Pinhol, @vascopinhol



# Glimt frå året



**MORGONLYS:** Lyset over anlegget i Saunesmarka kan vere heilt magisk.

**JULEPOST:** Tidleg i desember fekk innbyggjarane julepost med ekstra restavfallssekk i postkassa.



**JULEGLEADING:**  
Nissen køyrer  
renovasjonsbil,  
ikkje slede!

# RESULTAT

Driftsinntekter og driftskostnader	Note	Normalt beløp 2021	Budsjett 20201	Normalt beløp 2020
Salsinntekt		65 613 123,00	61 540 000,00	58 853 574,00
Anna driftsinntekt		178 593,00	-	154 057,00
Sum driftsinntekter		65 791 717,00	61 540 000,00	59 007 631,00
Varekostnad		15 327 905,00	14 797 000,00	12 506 352,00
Lønskostnad	2, 3	24 041 771,00	24 195 000,00	23 036 611,00
Avskrivning	5	4 977 237,00	4 758 000,00	4 763 050,00
Annan driftskostnad	2, 7	19 541 222,00	16 392 000,00	17 621 312,00
Sum driftskostnader		63 888 135,00	60 142 000,00	57 927 325,00
Driftsresultat		1 903 582,00	1 398 000,00	1 080 306,00
Finansinntekter og finanskostnader				
Anna renteinntekt		101 476,00	324 000,00	132 438,00
Anna finansinntekt		-	-	-
Anna rentekostnad		889 979,00	1 843 000,00	1 273 036,00
Resultat av finansposter		-788 503,00	-1 519 000,00	-1 140 598,00
Ordinært resultat før skattekostnad		1 115 079,00	-121 000,00	-60 292,00
Skattekostnad på ordinært resultat	8	-	-	28 240,00
Årsresultat	12	1 115 079,00	-121 000,00	-88 532,00
Overføring				
Avsett til/frå sjølvkostfond		-415 000,00	-	-1 168 000,00
Avsett til annan egenkapital		1 530 079,00	-	1 079 468,00
Sum overføringer		1 115 079,00	-	-88 532,00



# BALANSE

EIGEDELAR	Note	2021	2020
Anleggsmiddel			
Varige driftsmiddel			
Tomter, bygningar og annan fast eigedom	5, 6	93 585 735,00	95 813 989,00
Maskinar og anlegg	5, 6	14 241 907,00	13 301 584,00
Driftslausøyre, inventar, verktoy, kontormaskinar	5, 6	2 426 589,00	3 061 189,00
Sum varige driftsmiddel		110 254 230,00	112 176 762,00
Finansielle anleggsmiddel			
Investeringar i aksjar og partar	3	772 322,00	721 075,00
Sum finansielle anleggsmiddel		772 322,00	721 075,00
Sum anleggsmiddel		111 026 552,00	112 897 837,00
Omløpsmiddel			
Krav			
Kundekrav		2 361 432,00	2 875 857,00
Andre kortsiktige krav		1 565 147,00	1 699 841,00
Sum krav		3 926 579,00	4 575 699,00
Bankinnskot, kontantar o.l.			
Bankinnskot, kontantar og liknande	4	9 034 846,00	775 195,00
Sum Bankinnskot, kontantar og liknande		9 034 846,00	775 195,00
Sum omløpsmiddel		12 961 425,00	5 350 894,00
Sum eigedelar		123 987 977,00	118 248 731,00
<b>EIGENKAPITAL OG GJELD</b>			
Eigenkapital			
Opptent eigenkapital			
Annan eigenkapital		8 741 195,00	7 211 116,00
Sum opptent eigenkapital		8 741 195,00	7 211 116,00
Sum eigenkapital	12	8 741 195,00	7 211 116,00
Gjeld			
Avsetjing til plikter			
Andre avsetjingar for plikter	9, 10	196 968,00	172 929,00
Sum avsetjing for plikter		196 968,00	172 929,00
Øvrig langsiktig gjeld			
Gjeld til kredittinstitusjonar	6, 14	98 438 540,00	93 002 340,00
Sum anna langsiktig gjeld		98 438 540,00	93 002 340,00
Kortsiktig gjeld			
Gjeld til kredittinstitusjonar		-	2 465 352,00
Leverandørgjeld		3 075 016,00	3 932 689,00
Betalbar skatt	8	-	28 240,00
Skyldige offentlege avgifter		1 686 986,00	1 586 206,00
Sjølvkostfond	11	6 153 000,00	6 568 000,00
Anna kortsiktig gjeld	11	5 696 272,00	3 281 859,00
Sum kortsiktig gjeld		16 611 274,00	17 862 346,00
Sum gjeld		115 246 782,00	111 037 614,00
Sum eigenkapital og gjeld		123 987 977,00	118 248 731,00

## Balanse

Søre Sunnmøre Reinhaldsverk IKS  
Ulst einvik  
Styret i Søre Sunnmøre Reinhaldsverk IKS

George Harold Fulford  
Styreleiar

Camilla Lovise Storøy  
Nestleiar

Anne Margrethe Holstad  
Styremedlem

Bjarne Uglum  
Styremedlem

Margareth Leinebe  
Styremedlem

Arnjoth Muren  
Styremedlem

Kjartan Leidulf Grimstad  
Styremedlem

Arnstein Leif Myklebust  
Dagleg leiar

Dokumentet er elektronisk  
godkjend og har difor  
ingen handskreven signatur.

# KONTANTSTRAUMOPPSTILLING 2021

EIGEDELAR	2021	2020
Kontantstrøm fra operasjonelle aktiviteter		
Resultat før skattekostnad	1 115 079,00	-60 292,00
Betalt skatt i perioden	28 240,00	32 437,00
Ordinære avskrivningar	4 977 237,00	4 763 050,00
Endring kundefordringar	514 425,00	-903 944,00
Endring leverandørgjeld	-857 673,00	373 654,00
Endring i andre tidsavgrensingspostar	2 811 433,00	-1 270 700,00
<b>Netto kontantstrøm fra operasjonelle aktiviteter</b>	<b>8 532 261,00</b>	<b>2 869 331,00</b>
Kontantstrømmar frå investeringsaktivitetar		
Utbetaling ved kjøp av varige driftsmidlar	3 192 211,00	4 172 315,00
Utbetaling ved kjøp av aksjar og partar i andre føretak	51 247,00	54 821,00
<b>Netto kontantstrøm fra investeringsaktivitetar</b>	<b>-3 243 458,00</b>	<b>-4 227 136,00</b>
Kontantstrømmar fra finansieringsaktivitetar		
Innbetalningar ved opptak av ny langsiktig gjeld	9 000 000,00	-
Utbetalningar ved nedbetaling av langsiktig gjeld	3 563 800,00	3 563 800,00
<b>Netto endring i kassekreditt</b>	<b>-2 465 352,00</b>	<b>2 465 352,00</b>
<b>Netto kontantstrøm fra finansieringsaktivitetar</b>	<b>2 970 848,00</b>	<b>-1 098 448,00</b>
<b>Netto endring i kontantar og kontantekv.</b>	<b>8 259 651,00</b>	<b>-2 456 253,00</b>
Beholdning av kontantar og kontantekv. pr. 1.1.	775 195,00	3 231 448,00
Beholdning av kontantar og kontantekv. pr. 31.12	9 034 846,00	775 195,00



**NOTE 1 REKNESKAPSPRINSIPP**

Årsrekneskapen er satt opp i samsvar med rekneskapslova, lov om interkommunale selskap og God rekneskapsskikk for små foretak.

**Bruk av estimat**

Leiinga har brukt estimat og føresetnader som har påverka resultatrekneskapen og verdsettinga av eigedelar og gjeld, samt usikre eigedelar og forpliktingar på balansedagen under utarbeiding av årsrekneskapen i samsvar med god rekneskapsskikk.

**Salsinntekt**

Inntektsføring ved sal av varer skjer på leveringstidspunktet. Tenester inntektsføres i takt med utføringa. Lovpålagte tenester med årlig gebyr, der selskapet fakturerer gebyret direkte til abonnentane, blir inntektsført i perioden det er fakturert.

**Klassifisering og vurdering av balanseposter**

Anleggsmiddel omfatter eigedelar bestemt til varig eige og bruk. Anleggsmiddel er vurdert til anskaffelseskost. Varige driftsmiddel balanseføres og avskrives over driftsmiddelet si økonomiske levetid. Omløpsmiddel og kortsiktig gjeld omfattar postar som forfell til betaling innan eit

år etter anskaffelsestidspunktet, samt postar som er knytt til varekretsløpet. Omløpsmiddel vurderast til lågaste av anskaffelseskost og verkeleg verdi. Kortsiktig gjeld balanseføres til nominelt beløp på opptakstidspunktet.

**Varige driftsmiddel**

Varige driftsmiddel nedskrives til gjenvinnbart beløp ved verdifall som forventast ikkje å vere forbigående. Gjenvinnbart beløp er det høgaste av nettosalverdi og verdi i bruk. Verdi i bruk er nåverdi av framtidige kontantstraumar knyttta til eigedelen. Nedskrivninga reverserast når grunnlaget for nedskrivninga ikkje lenger er tilstades.

**Krav**

Kundekrav og andre krav oppføres til pålydande etter frådrag for avsetning til forventa tap. Avsetning til tap gjerast på grunnlag av ei individuell vurdering av dei enkelte fordringane. Legalpanten høyrer til kvar av eigarkommunane og vil tre i kraft dersom ein ikkje klarer å krevje inn gebyra ein har til gode mot hushaldningskundar på vanleg måte.

**Pensjonsforplikting**

Selskapet har ei offentlig kollektiv pensjonsordning for sine ansatte. Fra og med 2014 er det valgt å ikkje balanseføre

nettopensjonsforplikting. Innbetalingar til ytelsesbasert pensjonsordning kostnadsføres løpande.

**Skatt**

Selskapet er skattepliktig for den del av verksemda som er knytt til næringskundar. Skattekostnaden i rekneskapen omfattar betalbar skatt i perioden. Driftsmidla si fordeling er gjenstand for årleg revisjon basert på faktisk bruk. På bakgrunn av variasjon i bruk er det valgt å ikkje bokføre utsatt skatt/skattefordel i rekneskapet då denne lar seg vanskeleg berekne.

**Sjølvkostfond**

Verksemda som er knytt opp mot hushaldningskundane er regulert av Forureiningslova. I henhold til Forureiningslova § 34 skal kostnadane for desse kundane dekkast fullt ut gjennom gebyrinntektene. I henhold til retningslinjer for berekning av sjølvkost for kommunale betalingstenester utgitt av Kommunal- og Regionaldepartementet, kan over- eller underskot framføres innanfor eit 3- til 5- års perspektiv for å utjevne svingningar i inntekter og kostnader. Det utarbeidast særskilt sjølvkostrekneskap. I balansen klassifiserast akkumulert over- og underskot henholdsvis som kortsiktig gjeld og kortsiktig fordring.

**Kontanstrømoppstilling**

Kontanstrømoppstilling er utarbeidd etter den indirekte metoden. Kontantar og kontantekvivalentar omfattar bankinnskot.

**NOTE 2 FORTS. LØNSKOSTNADAR, ANTALL ÅRSVERK, GODTGJERSLE M.M.**

Lønskostnader		2021	2020
Løn		17 852 781	17 701 929
Arbeidsgivaravgift		3 044 139	2 783 107
Pensjonskostnader		2 619 626	2 057 964
Andre ytingar		525 225	493 611
Sum		24 041 771	23 036 611
Antall årsverk sysselsatt		34	34
Ytingar til leiande personar	Daglig leiar	Styret	Repr. skap
Løn	823 221	0	0
Anna godtgjering	19 682	307 483	26 013
Sum	842 903	307 483	26 013
Godtgjersle til revisor er fordelt på fylgjande måte:			
Lovpålagd revisjon		85 927	70 245
Utarbeiding av årsrekneskap		16 618	16 211
Utarbeiding av likningspapir		11 079	10 807
Andre tenester		113 950	67 660
Sum (ekskl. mva)		227 574	164 923

**Pensjonsforpliktingar**

Selskapet er pliktig til å ha tenestepensjonsordning etter lov om obligatorisk tjenestepensjon. Pensjonsordningane til selskapet tilfredsstiller krava i denne lova. Sjå elles note 3.

Selskapet tilsette ny dagleg leiar f.o.m. september 2021.

# NOTAR

## NOTE 3 PENSJONSKOSTNADAR, -MIDLAR, -FORPLIKTINGAR

Selskapet pliktar å ha tenestepensjonsordning etter lov om obligatorisk tenestepensjon. Pensjonsordningane til selskapet tilfredsstiller krava i denne lova.

Selskapet har ei offentleg kollektiv pensjonsordning for sine ansatte i KLP Forsikring. Del av eigenkapitaltilskotet som er innbetalt av selskapet utgjer pr 31.12.2021 kr 772 322.

Den offentlege tenestepensjonsordninga gir ved full opptening ein alderspensjon som saman med folketrygda sine ytingar utgjer ein samla pensjon på 66% av pensjonsgrunnlaget. Føretaket har også offentleg AFP-ordning for dei ansatte.

Selskapet har pensjonsordningar som omfattar i alt 34 aktive personar og 16 pensjonistar. Ordningane gjev rett til definerte framtidige ytingar. Desse er i hovudsak avhengige av talet på oppteningsår, lønsnivå ved oppnådd pensjonsalder og storleiken på ytingane frå folketrygda. Forpliktingane er dekkja gjennom eit forsikringsselskap. Framtidig pensjonspremie vil påvirkast av avkastning, lønsvekst og utvikling i folketrygda sitt grunnbeløp.

## NOTE 3 PENSJONSKOSTNADAR, -MIDLAR, -FORPLIKTINGAR FORTS.

	2021	2020
Netto pensjonskostnad	2 619 626	2 057 964
Spesifikasjon av pensjonsforpliktingar		
Utrekna pensjonsforpliktingar per 31.12.	37 583 230	31 242 400
Pensjonsmidlar (til marknadsverdi) per 31.12	-32 222 594	-26 403 759
Ikkje resultatført verknad av estimatavvik	-1 081 476	-490 911
Arbeidsgiveravgift	755 850	682 248
Netto pensjonsforpliktingar (ikkje balanseført)	5 035 010	5 029 978

De aktuariemessige føresetnadane er basert på vanlege nytta føresetnader innan forsikring når det gjeld demografiske faktorar.

## NOTE 4 BANKINNSKOT

Midlar på skattetrekkkonto (bundne midlar) er kr 888 445.

## NOTE 5 ANLEGGNOTE

	Tomter, bygningar m.m.	Anlegg under arbeid	Maskiner, anlegg, bilar, m.m.	Driftsløysere, inventar, kontorm.	Sum
Anskaffingskostnad pr. 1.1	117 022 701	819 191	29 924 274	15 659 381	163 425 547
Tilgang kjøpte driftmidlar	197 925	714 447	1 902 182	377 657	3 192 211
Avgang driftsmidlar	0	-137 506	0	0	-137 506
Anskaffingskostnad pr. 31.12	117 220 626	1 396 132	31 826 456	16 037 038	166 480 252
Akkumulerte avskrivningar pr. 31.12	22 128 940	0	17 889 594	11 692 095	51 710 629
Akkumulerte nedskrivningar pr. 31.12	1 505 949	0	1 091 094	1 918 350	4 515 393
Bokført verdi pr. 31.12.	93 585 735	1 396 132	12 845 775	2 426 589	110 254 230
Avskrivningar i år	2 426 179	0	1 538 800	1 012 257	4 977 237
Økonomisk levetid	0-50 år		3-10 år	5-10 år	



**NOTE 6 GJELD**

Type	2021	2020
Langsiktig gjeld med forfall seinare enn om 5 år		
Gjeld til kredittinstitusjonar	81 297 140	77 660 940
Sum	81 297 140	77 660 940
Årets endring		
Langsiktig finansiering 01.01.	93 002 340	96 566 140
Opptak nye langsiktige lån	9 000 000	6 000 000
Betalte avdrag i år	-3 563 800	-3 413 800
Langsiktig finansiering pr 31.12 (pantsatt)	98 438 540	93 002 340

**NOTE 7 LEASING**

Årleg leige av ikkje balanseførte driftsmiddel.

	2021	2020
Årets leige	3 723 009	4 286 698
Sum	3 723 009	4 286 698

Det er ikkje balanseført leasingforplikting for nokon av leigeobjekta.

Framtidig minimumsleige knytt til ikkje kansellerbare leigeavtalar forfell som fylgjer	
Innen ett år	2 875 884
Ett til fem år	1 564 337
Etter fem år	0
Sum framtidig minimumsleige	4 440 221

**NOTE 8 SKATT**

Selskapet er skattepliktig for den del av verksemda som er knytta til næringskundar.

Selskapet har ingen mellombelse skilnader pr 31.12.2021

Nedanfor er det gitt spesifikasjon over skilnader mellom rekneskapmessig resultat før skattekostnad og årets skattegrunnlag.

Utrekning av skattegrunnlaget i år:	2021	2020
Skattemessig underskot til framføring	96 321	0
Skattepliktig inntekt	96 321	0
Resultat før skattekostnad for næringsverksemd	326 275	595 585
Permanente skilnader	-422 596	-467 220
Skattepliktig inntekt	-96 321	128 365
Betalbar skatt	0	28 240
Utsett skattefordel (22%)	21 191	0
Sum skattekostnad	0	28 240

Utsett skattefordel er ikkje balanseført i samsvar med God Rekneskapsskikk for små føretak.

# NOTAR

## NOTE 9 AVSETNING FOR FRAMTIDIGE FORPLIKTINGAR FOR DEPONI PÅ EIDET

Selskapet har i henhold til "Forskrift om gjenvinning og behandling av avfall § 9-15", forpliktingar knytta til framtidige miljøkrav relatert til sikring av deponi og anlegg, i ein periode etter at verksemda ved deponiet er avvikla. Selskapet har slike forpliktingar knytta til det nedlagte deponiet på Eidet i Hareid kommune.

Etterdriftsansvaret omfattar ei periode på 30 år rekna frå tidspunktet for avvikling av deponering i deponiet. Dette vart avvikla i 2009, og etterdriftsansvaret og kontroll med deponiet varer difor til sommaren 2039, eller til 2045 dersom ein tar utgangspunkt i Fylkesmannen si godkjenning av avslutningsplanen i 2015. Det vil alltid vere usikkerheit knytta til omfanget av kostnader til kontroll og ansvaret elles for deponiet så langt fram i tid. Avsett beløp og framtidige inntekter på deponiområdet gir uttrykk for leinga sitt beste estimat på tidspunktet for avlegging av årsrekneskapet for 2020.

Inntektene frå aktivitetane med å stå for påsleppspunkt for rejectvatn frå slamtøminga i Ulstein og Hareid og handtering av grein- og hageavfall for Ulstein og Hareid, saman med tidlegare avsetning, har vore kalkulert til å vere nok til å dekke kostnadene med etterdrifta av deponiet.

	2021	2020
Avsetning frå tidlegare år	172 929	137 870
Medgåtte kostnader i året	-65 961	-54 941
Auka avsetning i året	90 000	90 000
Avsetning 31.12.	196 968	172 929

## NOTE 10 AVSETNINGAR FOR FRAMTIDIGE FORPLIKTINGAR FOR DEN NEDLAGTE FYLLPLASSEN I FLØSTRANDA OG ANDRE DEPONI I EIGARKOMMUNENE

Den nedlagde fyllplassen i Fløstranda og ansvaret for den er avklart. Det er gjort avtale om kostnadsfordelinga som er 20% Ulstein kommune, og 80% SSR. Dei 80% SSR skal dekke vert fordelte på 40% hushaldning, 40% næring og 20% slam. SSR vil ha ansvaret for deponiet i Fløstranda vidare.

Det er i årsrekneskapan for 2021 avsett kr 2 500 000 til arbeidet med å sikre fyllinga i Fløstranda og arbeidet er forventa å starte i 2022. Kostnadane med sikring av Fløstranda får ikkje konsekvensar for renovasjonsgebyret i 2022.

Kommunene har kartlagt nedlagde deponi i dei andre kommunene, og pr. i dag er det ikkje forventa at SSR får kostnader knytta til sikring av andre deponi i eigarkommunene.

## NOTE 11 SJØLVKOSTFOND OG MELLOMREKNING MOT EIGARANE

Sjølvcostfondet pr 31.12.2021 er positivt med kr 6 153 000. Ved berekning av sjølvcostfondet er inntekter og kostnader i reknekapet fordelt mellom hushaldning og næring, og gjenspeilar aktiviteten mellom dei to verksemdsområda.

	Sjølvcostfond slam	Sjølvcostfond hush.avfall	Sjølvcostfond totalt
Sjølvcostfond 01.01.	91 000	6 477 000	6 568 000
Årets resultat overført til sjølvcostfond	70 000	-485 000	-415 000
Sjølvcostfond 31.12.	161 000	5 992 000	6 153 000

Slamhandsaming vert utført på vegne av alle eigarkommunene. Inntekter og utgifter knytta til handtering av slam skal inngå i eit eiga sjølvcostområde i kvar av kommunane. Årets over-/underinndekking er difor overført til fordring / gjeld mot Herøy og Sande og utgjer pr 31.12.2021 kr 62 613 (eks. mva) og inngår i anna kortsiktig fordring. Fra og med 01.01.2017 har SSR ansvar for sjølvcostfond for denne tenesta i Ulstein og Hareid.

Resten av anna kortsiktig gjeld består hovudsakleg av opptente, ikkje utbetalte feriepengar og andre påløpte kostnader.

## NOTE 12 EIGENKAPITAL

	Annan egenkapital	Sum egenkapital
Eigenkapital 01.01.21	7 211 116	7 211 116
Årets resultat	1 530 079	1 530 079
Eigenkapital 31.12.21	8 741 195	8 741 195

## NOTE 13 INNSKOTSKAPITAL OG EIGARINFORMASJON

Selskapets eigarfordeling pr. 31.12.:

Deltakar	Folketal	Eigarandel	Antal i rep. skap	Stemmeandel
Herøy kommune	8 972	35,67%	4	36 %
Ulstein kommune	8 430	33,52%	3	27 %
Hareid kommune	5 189	20,63%	2	18 %
Sande kommune	2 559	10,17%	2	18%
Totalt	25 150	100,00 %	11	100 %

Stemmeandel gjeld representantskapet som er selskapets øverste organ. Selskapet har ingen innbetalt innskotskapital.

I følge selskapsavtala § 4 skal kvar kommune ha eit medlem for kvar påbegynt 2 500 innbyggjar, medan alle kommunene skal minst ha 2 medlemmar.

## NOTE 14 GARANTUAR

I samsvar med selskapsavtala er deltakarkommunene Hareid, Herøy, Ulstein og Sande utad ansvarleg for selskapet sine samla forpliktingar i forhold til sine respektive eigarandeler.





BDO AS  
Nesevegen 3  
Postboks 93  
6067 Ulsteinvik

## Melding frå uavhengig revisor

Til representantskapet i Søre Sunnmøre Reinhaldsverk IKS

### Konklusjon

Vi har revidert årsrekneskapen til Søre Sunnmøre Reinhaldsverk IKS.

#### Årsrekneskapen er samansett av:

- Balanse per 31. desember 2021
- Resultatrekneskap for 2021
- Kontantstraumoppstilling for rekneskapsåret avslutta per 31. desember 2021
- Notar til årsrekneskapen, inklusive eit samandrag av viktige rekneskapsprinsipp.

#### Etter vår meining:

- Oppfyller årsrekneskapen gjeldande lovkrav, og
- Gjev årsrekneskapen eit rettvisebilete av den finansielle stillinga i selskapet per 31. desember 2021 og av resultatata for rekneskapsåret avslutta per denne datoen, i samsvar med reglane i rekneskapslova og god rekneskapskikk i Norge.

### Grunnlag for konklusjonen

Vi har gjennomført revisjonen i samsvar med dei internasjonale revisjonsstandardane International Standards on Auditing (ISA-ane). Våre oppgåver og plikter etter desse standardane er beskrivne under overskrifta Revisor sine oppgåver og plikter ved revisjonen av årsrekneskapen. Vi er uavhengige av selskapet, slik det er krav om i lov, forskrift og International Code of Ethics for Professional Accountants (inklusive dei internasjonale standardane om habilitet), utgjeve av the International Ethics Standards Board for Accountants (IESBA-reglane), og vi har oppfylt dei andre etiske pliktene våre i samsvar med desse krava. Etter vår oppfatning er innhenta revisjonsbevis tilstrekkeleg og formålstenleg som grunnlag for konklusjonen vår.

### Styret og dagleg leiar sitt ansvar for årsrekneskapen

Styret og dagleg leiar (leiinga) er ansvarleg for å utarbeide årsrekneskapen og for at det gjev eit rettvisebilete i samsvar med rekneskapslova sine reglar og god rekneskapskikk i Norge. Leiinga er også ansvarleg for slik intern kontroll som den finn naudsynt for å kunne utarbeide ein årsrekneskap som ikkje inneheld vesentleg feilinformasjon, verken som følgje av misleg framferd eller utilsikta feil.

Ved utarbeidinga av årsrekneskapen må leiinga ta standpunkt til selskapet si evne til vidare drift og opplyse om forhold av betydning for vidare drift. Føresetnaden om vidare drift skal leggjast til grunn for årsrekneskapen, så lenge det ikkje er sannsynleg at verksemda vil bli avvikla.

### Revisor sine oppgåver og plikter ved revisjonen av årsrekneskapen

Vårt mål er å oppnå tryggande sikkerheit for at årsrekneskapen totalt sett ikkje inneheld vesentleg feilinformasjon, verken som følgje av misleg framferd eller utilsikta feil, og å gi ei revisjonsmelding som inneheld konklusjonen vår. Tryggande sikkerheit er ei høg grad av sikkerheit, men ingen garanti for at ein revisjon utført i samsvar med ISA-ane, alltid vil avdekke vesentleg feilinformasjon som eksisterer. Feilinformasjon kan oppstå som følgje av misleg framferd eller utilsikta feil. Feilinformasjon blir vurdert som vesentleg dersom den, enkeltvis eller samla, innanfor rimelege



# MELDING FRÅ REVISOR



grenser kan forventast å påverke økonomiske avgjerder som brukarane tar basert på årsrekneskapen.

For vidare beskriving/omtale av revisor sine oppgåver og plikter visast det til:  
<https://revisorforeningen.no/revisjonsberetninger>

Andre tilhøve

---

Budsjettala for 2021 som er presenterte i resultatrekneskapen er ikkje reviderte.

BDO AS

Einar Giljarhus Løkken  
statsautorisert revisor  
(elektronisk signert)

Penneo Dokumentnøkkel: O202L-4YTZU-YONPM-H01Z5-3ZTH-2PKX7



# ÅRSMELDING / EIGARMELDING 2021

Selskapet sine styringsdokument slår fast at styret skal utarbeide ei eigarmelding. Årsmeldinga omfattar difor også ei eigarmelding, sidan begge meldingane inneheld mykje av den same informasjonen.

## 1. STYRET SI SAMANSETTING

Styret har i 2021 bestått av:

George Fulford, styreleiar  
Camilla Lovise Storøy, nestleiar  
Margareth Leinebø, styremedlem  
Anne Holstad, styremedlem  
Arnliot Muren, styremedlem  
Kjartan Leidulf Grimstad, styremedlem  
Bjarte Uglum, styremedlem, valt av og blant dei tilsette

Det har vore 7 styremøte og 50 saker er behandla i 2021.

## 2. REPRESENTANTSKAP

Representantskapet består av politisk valte representantar frå kvar av dei fire eigarkommunane. Knut Erik Engh er leiar av representantskapet. Det har vore 2 møter i representantskapet i 2021. Selskapet har, utover formelle møter, løpande og god kontakt med selskapet sine eigarar.

## 3. EIGARFORHOLD, SELSKAPSFORM OG FORMÅL

Søre Sunnmøre Reinholdsverk IKS (SSR) er organisert som eit interkommunalt selskap. Selskapet er eigd av kommunane Herøy, Ulstein, Hareid og Sande.

Selskapet skal oppfylle kommunane sine plikter knytt til hushaldningsavfall etter forureiningslova og gjeldande selskapsavtale og eigarstrategi. Dette inneber at SSR skal ivareta dei praktiske oppgåvene og pliktene rundt avfallshandtering som kommunane er pålagde. SSR forvaltar og driftar ei lovpålagd verksemd på vegne av eigarkommunane. Denne verksemda er i stor grad underlagt nasjonale og internasjonale krav. Dette er rammebetingelsar som selskapet i liten grad kan påverke. SSR utøver si verksemd med utgangspunkt i Saunesmarka i Ulstein kommune, men utfører elles det praktiske arbeidet med innhenting av

avfall over heile området.

Selskapet skal oppfylle eigarane sine forventningar til kostnadseffektiv leveranse av tenester innan miljø og avfall. Selskapet sine strategiske mål er mellom anna knytt til økonomi, miljømål og kundetilfredsheit. Selskapet legg også vekt på å balansere målstyring og ønskjer å optimalisere forholdet mellom miljø, abonnentar og kostnader.

Selskapet sine strategiske mål er:

- Selskapet skal stå for miljøretta innsamling, mottak, sortering, omlasting, transport og gjenvinning av avfall frå hushaldningar.
- Selskapet skal forvalte enkle, brukarvennlege og kvalitetsmessig tilfredsstillande løysingar for abonnentane.
- Selskapet skal realisere nasjonale miljømål og eigarane sine lokale miljømål og klimaplaner.
- Selskapet skal vere ein synleg samfunnsaktør som gjennom kommunikasjon skal vere ein tydeleg og framtidretta haldningsskapar i avfalls-, miljø- og klimarelaterte spørsmål i eigarkommunane.
- Andre strategiske mål går på det store samfunnsansvaret selskapet har i den grunnleggande velferdsproduksjonen i landet, vidare god økonomistyring, satsing på digitalisering, og utvikling av organisasjonen.

God kundetilfredsheit og godt omdøme er viktig for SSR. Gjennom selskapet sin kommunikasjon, med grunnlag i eigarstrategi og strategisk plan, er målet mellom anna å formidle kunnskap om kjeldesortering og kvar avfallet hamnar – i tillegg til å formidle kunnskap om avfall som ressurs. Dette er nødvendig for å realisere stadig aukande nasjonale krav til innsamling og behandling av avfall. Avfall er sentralt i den sirkulære økonomien – i «det grønne skiftet».

## 4. SELSKAPET SI VERKSEMD

Selskapet har ansvaret for innsamling og behandling av hushaldningsavfall frå innbyggjarane i Herøy, Ulstein, Hareid og Sande.

I dei 4 eigarkommunane er det godt over 25 000 innbyggjarar, rundt 11 000 privatabonnentar, 37 returpunkt for glas- og metall (der fleire av desse returpunkta har fleire glasigloar) og 3 miljøstasjonar, i tillegg til greinplassen på Eidet.

Selskapet si kjerneverksemd er å gi eit renovasjonstilbod til husstandane. Ansvar for renovasjon omfattar miljøretta innsamling, sortering, omlasting, transport og avsetnad av hushaldningsavfall i eigarkommunane frå husstandar, returpunkt og miljøstasjonar. Denne delen av verksemda blir gjennomført til sjølvkost, og overskot eller underskot på hushaldningsdelen skal først mot sjølvkostfondet.

Selskapet sitt tilbod omfattar også innsamling, transport og avsetnad av næringsavfall i avgrensa omfang. Denne tenesta inneber ein gunstig påverknad på selskapet si verksemd og medverkar til at selskapet når dei strategiske måla sine. Dette medfører lågare priser for hushaldningar, ikkje minst på grunnlag av meir effektiv bruk av selskapet sine driftsmiddel. Omfanget av næringskundar omfattar, etter styret si vurdering, ingen økonomisk risiko av betydning. Rekneskapsføring knytt til næringskundar blir halde skilt frå sjølvkostrekneskapet for hushaldningskundar.

Rekneskapan syner eit årsresultat betre enn budsjettert.

Selskapsstrategien vart vedtatt 2019. Styret har begynt på arbeidet med ein revidert selskapsstrategi. Denne vil bli framlagt i representantskapet i 2022. Selskapsstrategien tek utgangspunkt i nasjonale og lokale avfallsstrategiar, samt forventningane frå eigarane, slik det er nedfelt i gjeldande eigarstrategi og selskapsavtale.

SSR har ei begrensa verksemd med innsamling og behandling av næringsavfall, som vert ført i separat rekneskap. Avfall frå skular og barnehagar er etter gjeldande forskrift definert som næring. Miljøstasjonane er primært bygde for å motta hushaldningsavfall, men tek også i mot næringsavfall.

## 5. ARBEIDSMILJØ OG LIKESTILLING

Selskapet sysselsette i 2021 vel 35 årsverk. Den daglege drifta var fram til 31.08.2021 underlagt dagleg leiar Einar Heimdal. Arnstein Myklebust er tilsett som dagleg leiar frå og med 01.09.2021.

SSR er ei IA- bedrift og har i 2021 kjøpt bedriftshelsetenester hos Medi 3. Desse er, ved behov, involvert i arbeidet med endringar og forbetringar saman med, og i dialog med, leinga og tillitsvalde / verneombod – i tillegg til det vanlege bedriftshelsetenestearbeidet. Det vert arbeidd løpande med arbeidsmiljø og sjukdomsførebyggjande tiltak. I tråd med Arbeidsmiljølova er det oppretta arbeidsmiljøutval og halde val på stadlege verneombod.

SSR har i 2021 ikkje hatt alvorleg personskade knytt til selskapet si verksemd. Sjukefråværet har i 2021 vore noko høgt. Mykje av sjukefråværet har vore knytt til administrasjonen, og er ikkje samanheng med arbeidet. SSR følgjer utviklinga nøye framover. Selskapet arbeider kontinuerleg med kompetanseutvikling av selskapet sine medarbeidarar. Selskapet legg til grunn at det skal vere likestilling mellom kjønna og det blir praktisert lik lønn for likt arbeid, der ein tek omsyn til alder og erfaring. Av styret sine 7 medlemmer er 3 kvinner. Av selskapet sine 8 tilsette i administrasjonen er 4 kvinner. Renovasjonsarbeidet har tradisjonelt vore eit mannsdominert yrke, spesielt ute på bilane, og dette har ført til at delen kvinner der ikkje er så stor som ein kunne ønske. Styret ønsker å auke kvinneandelen også på innhentingdelen. Det er ikkje sett i verk spesielle tiltak i samband med likestilling.

Av 35 tilsette var 4 personar tilsett midlertidig i vikariat. Det har ikkje vore behov for kartlegging av ufrivillig deltidsarbeid, då alle stillingar er 100%. 2 personar (ein av kvart kjønn) var i foreldrepermisjon i løpet av 2021, i til saman 21 veke. Styret vil i løpet av 2022 gjennomføre lønnskartlegging (i høve aktivitetsplikt) fordelt på kjønn.

Styret legg stor vekt på at arbeidsmiljøet og samarbeidet i selskapet skal vere godt. Koronapandemien gjorde dette ekstra

utfordrande også i 2021, sidan m.a. interne møteplassar og samankome måtte kuttast kraftig i p.g.a. avstandsreglar. Ein får tru at dette kan ta seg opp att i løpet av 2022, og ein kan kome meir tilbake til normalen.

I rekruttering og anna personalforvaltning tek selskapet i vare forutsetningane i likestillingslova og diskrimineringslova.

## 6. MILJØRAPPORTERING

SSR arbeider med å bli miljøfyrtårnsertifisert som kontorbedrift. Det pågår eit arbeid med å sertifisere heile verksemda. Den daglege verksemda skjer ved ordinær kontorverksemd, arbeid på miljøstasjonar og industriområde, og i stor grad ved transportverksemd. Kontordrifta forureinar ikkje det ytre miljøet.

Selskapet har sjølv ansvaret for innsamling av avfall. Det er eit betydeleg transportinnslag i dette arbeidet. Ved utøving av verksemda blir det stilt krav til gode og rasjonelle transportløysingar, der lågt drivstoff forbruk, redusert støy og minimale utslepp blir vektlagt. Sluttbehandling av innsamla avfall skjer etter konkurranse i marknaden. Her blir det lagt særleg vekt på gode og miljøvennlege løysingar, samt optimal ressursutnytting.

SSR har utarbeidd eit eige klimarekneskap for 2021. Her reknar ein om både positiv og negativ miljøpåverknad til CO2 ekvivalentar. Verksemda i selskapet bidreg positivt til reduserte utslepp gjennom utnytting av ressursane i avfallet. Klimarekneskapet som inkluderer både positiv og negativ påverknad på miljøet viser at verksemda totalt sett bidreg positivt til reduserte utslepp med cirka 360 tonn CO2. Dette vert oppnådd gjennom utnytting av ressursane i avfallet. Klimarekneskapet inneheld informasjon som gir beslutningsstøtte for vurdering av endringar i tenesta, sett ut frå eit miljø- og klimaperspektiv.

Styret prioriterer aktivt å realisere miljømål som eigarar og samfunn set for selskapet si verksemd. Dette skjer m.a. ved å vidareutvikle kjeldesorteringsordninga som ein tilbyr innbyggjarane.

## 7. KUNDEFOKUS OG BRUKARVENNLEGHEIT

Selskapet legg stor vekt på at tenestetilbodet skal vere brukarvennleg, slik at det skal vere enklast mogleg for innbyggjarane å kjeldesortere og ta miljøvennlege val. Tenestetilbodet i SSR fungerer generelt sett godt, og dei fleste innbyggjarane er flinke til å kjeldesortere. Selskapet meiner likevel at det fortsatt er eit potensial for endå betre sortering i hushaldingane, og driv difor med løpande kampanjar og haldningsskapande arbeid.

I tråd med samfunnsutviklinga og myndigheitene sin politikk, legg selskapet opp til stadig aukande bruk av elektronisk kommunikasjon med kundane. Bruk av papirbasert kommunikasjon blir forsøkt redusert tilsvarande, der dette blir erstatta med web- og mobiltelefonbaserte løysingar.

Å få fram kva avfallet blir til, og den store miljøgevinsten ved gjenvinning, er noko selskapet heile tida jobbar med å kommunisere ut til innbyggjarane. Det er avgjerande for motivasjonen til kundane at dei kjenner til heile gjenvinningsprosessen og at dei bidreg til ein stor miljødugnad ved å kjeldesortere. Det skaper også meir forståing for det oppdraget og det arbeidet selskapet gjer. Denne budskapet må vektleggast endå sterkare i framtida.

## 8. SAMFUNNSANSVAR

Selskapet opptre ansvarleg innanfor område som arbeidsgjevarpolitikk, etikk, innkjøp og deltaking i kunnskapsutvikling og utviklingstiltak, samt arbeidstakarrettar og antikorrupsjon. Selskapet arbeider aktivt for å fremje likestilling, sikre like moglegheiter og rettar, og dermed hindre diskriminering. Selskapet ønsker på denne måten å oppfylle diskrimineringslova sin intensjon og formålet der, så langt som selskapet kan påverke dette.

Selskapet skal bidra til å oppnå FN sine bærekraftsmål, noko som vert gjenspegla i strategiske og operative vurderingar. SSR bidreg spesielt til oppnåing innanfor bærekraftsmål nummer 12 «Ansvarlig forbruk og produksjon», men også på fleire andre område. Selskapet legg vekt på å bruke



# ÅRSMELDING / EIGARMELDING 2021

leverandører som fremjar høg etisk bevisstheit. Inngåtte kontraktar blir tett følgde opp for å unngå at sosial dumping føregår hos leverandørane våre. Selskapet har internkontrollsystem som skal førebygge korrupsjon og fusk, og leiarar skal gå føre og varsle om kritikkverdige tilhøve. Elles skal alle beslutningar gjerast på grunnlag av best mogleg ressursbruk. Selskapet har utarbeidd etiske retningslinjer.

Selskapets etiske retningslinjer skal sikre at dei tilsette tek gode, etiske val, handlar i tråd med verksemda sitt verdigrunnlag, og viser vanleg god folkeskikk.

SSR stiller relevante krav til arbeidsmiljø og arbeidsvilkår hos bedrifter som utfører oppdrag på vegne av selskapet. På større kontrakter vert det utført systematisk kontraktsrevisjon med ekstern bistand. Det følges blant anna opp at det vert tilbydd relevant tariff løn samt at konkrete bestemmelsar om HMS, arbeidstid og fortrinnsrett vert fylde.

## 9. ØKONOMI OG FORKLARING FOR FRAMLEIS DRIFT

Renovasjonstenestene som SSR utfører, blir – for hushaldningar – i hovudsak finansiert gjennom renovasjonsgebyr. Det blir ført eit eige sjølvkostrekneskap og eit eige, felles sjølvkostfond for innbyggjarane i eigarkommunane. Renovasjonsgebyret har over tid hatt ei gunstig utvikling. Dette skuldast effektiv drift og bidrag frå næringsdelen i verksemda.

Inntekter frå sal av utsorterte avfallstyper inngår også i sjølvkostrekneskapet, og bidreg til lågare gebyr.

Årsresultatet 1.115.079,- er betre enn budsjettet.

Hovudårsakene til dette er lav rente, fokus på utsortering av lønsame fraksjonar, høge prisar på enkeltfraksjonar som jern, papp, papir og liknande, samt høgare inntekter enn budsjettet på miljøstasjonane. Kr 415.000,- vert overført frå sjølvkostfondet som består av tidlegare års over- og underskot.

Sum driftsinntekter utgjer kr 65.791.717,- som fordeler seg slik:  
- salsinntekt kr. 65.613.123,-  
- anna driftsinntekt kr. 178.593,-

Ved årsskiftet er sjølvkostfondet for hushaldningar på kr 6.153.000.

Overskotet på næring, inkl. renter, hamna i 2021 på kr 326.000,-. Ved årsskiftet er eigenkapitalen i selskapet på kr 8.741.195.

Totale driftsinntekter var i 2021 kr 65.791.717,-. Dette inkluderer renovasjon for hushaldning og næring, pluss slam. Gebyrinntektene på hushaldning var kr 38.491.000,- kr 14.400.00,- på næring og kr 5.347.000,- på slam.

Resten av inntektene kjem under postane andre driftsinntekter. Andre driftsinntekter er i hovudsak inntekter frå miljøstasjonane og sal av fraksjonar. Koronapandemien sørga for høge inntekter på miljøstasjonane, medan bl. anna metall og papp sørga for gode inntekter på sal av fraksjonar.

Når det gjeld etterdrift av nedlagde deponi, er det i note 10 i rekneskapen nemnt framtidige forpliktingar på den nedlagde fyllplassen i Fløstranda og reparasjon av plastringa for å sikre det nedlagde deponiet. Avsetningar til dette arbeidet på kr 2.500.000,- er tatt inn i rekneskapen for 2021. Det er forventat at arbeidet med reparasjon og sikring av fylling mot sjøen på Fløstranda vert starta og ferdigstilt i 2022. SSR har frå kommunane overtatt eit økonomisk ansvar for etterdrift av deponi der det tidlegare har vore deponert hushaldningsavfall. Selskapet gjennomfører kvart år berekningar basert på inngåtte kontraktar og oppdaterte tal frå kommunane. Sidan dette er framtidige kostnader er styret si vurdering at det er rett å avsette for forpliktingane i rekneskapen. Avsetning til etterdrift deponi viser for 2021 ein framtidig forpliktelse på 196.968,- kroner.

Etter styret si mening gir den framlagde resultatrekneskapen og balanse, med tilhøyrande notar, god informasjon om drifta og stillinga ved årsskiftet. Styret vurderer at selskapet sin økonomiske og finansielle stilling er tilfredsstillande, og at årsrekneskapen gir eit rett bilete av selskapet sine eigedelar og gjeld, finansielle stilling og resultat.

Styret vurderer at selskapet sin økonomiske og finansielle stilling er tilfredsstillande, og meiner at

årsrekneskapen gir eit rettvisande bilete av selskapet sine eigedelar og gjeld, finansielle stilling og resultat.

Styret meiner at den forretningsmessige og finansielle risiko for selskapet si verksemd er lav.

Omfanget av næringskundar er lavt, og representerer etter styret si vurdering ein ubetydelig økonomisk risiko. Rekneskapsførsel knytt opp til næringskundar vert halde skilt frå sjølvkostrekneskapet for hushaldningsavfall.

Etter styret si oppfatning gir det framlagte resultatrekneskap og balanse med tilhøyrande notar, tilfredsstillande informasjon om drifta og stillinga ved årsskiftet. Det er ikkje kome forhold etter årsskiftet som har betydning for bedømminga av årsrekneskapen for 2021.

Forutsetning for framleis drift er til stades og årsrekneskapen for 2021 er sett opp under denne forutsetninga.

## 10. FRAMTIDSUTSIKTER OG PLANLAGDE ENDRINGAR

Strategisk plan er eit viktig verkemiddel i arbeidet med å realisere selskapet sine målsettingar og eigarane sine forventningar. I denne planen er nasjonale og internasjonale føringar tillagt stor vekt, samt at det er eit ønske om å synleggjere krav til selskapet med omsyn til effektivitet, kundetilfredsheit og miljø.

Selskapet vil også ytterlegare styrke arbeidet med å vere ein positiv samfunnsaktør innan det miljøretta arbeidet. Dette er mellom anna tenkt gjennom vidare satsing på informasjon og gjennom samarbeid med eigarkommunane om viktige miljøtiltak. Mellom anna ser ein at tema som marin forureining og anna lokal forureining framleis er viktige område framover.

Arbeidet framover vil handle om moglege nye fraksjonar som kan sorterast ut på miljøstasjonane, automatisering av sorteringsprosessar, digitalisering, meir informasjon og kommunikasjon internt og eksternt, og - ikkje minst - forureiningsproblematikken i naturen. I tillegg kjem utfordringar med nedstrømsløyser til å vere eit endå større fokusområde i tida framover, der m.a. marknaden tidvis har vanskar med å ta i mot dei store avfallsmengdene som

blir produsert i Norge, noko som betyr at prisane går opp for dei fraksjonane vi må betale for.

Auka utsortering av lønsame fraksjonar og utvikling av lokale nedstramsløysingar vert difor viktige satsingsområde framover

Selskapsstrategien for 2019-2022 nærmar seg slutten av sin virkeperiode, og styret vil i løpet av 2022 legge fram sitt forslag til ny selskapsstrategi. Dette vil først leggast fram for representantskapet til drøfting og seinare til vedtak våren 2023.

Ein viktig del av strategiarbeidet blir å evaluere måloppnåing og gjennomførte tiltak i høve Selskapet sitt styringsdokument.

## 11. SSR UNDER PANDEMIEN

Også i heile 2021 har utbrotet av koronasmitte (Covid-19) prega både selskapet si verksemd og i landet elles. Det er iverksett mange tiltak for å redusere smittefare og det har vore eit sterkt fokus på å oppretthalde renovasjonsverksemda - som den særskilte tenesta den er i eit velfungerande samfunn.

Det har vore nødvendig å tilpasse verksemda til smittesituasjonen, og det har vore stort fokus på å halde kontinuitet i tenesta. Dei tilsette har vist stor endringsvilje og selskapet har klart seg godt gjennom krevjande rammebetingelsar.

Renovasjon er ein samfunnskritisk teneste som ikkje under nokon omstende skal stoppe opp. Avfallshentinga har blitt gjennomført som normalt, og alle miljøstasjonane har halde ope. Dette har vist seg å vere ei rett og viktig vurdering. Det har ikkje vore smitteutbrot på nokon av SSR sine driftseiningar.

Administrasjonen har hatt heimekontor store delar av 2021, og møter har vore halde digitalt. Selskapet sine tenester og økonomi har ikkje blitt vesentleg påverka av pandemien. Styret forventar ikkje at pandemien vil ha vesentleg påverknad på selskapet sin økonomi eller tenester i 2022.

## 12. EIGARSTYRING OG SELSKAPSLEIING

SSR forvaltar og driftar ei lovpålagt ordning på vegne av eigarkommunane, som igjen er knytt til nasjonale og internasjonale bestemmelsar. Dette er rammebetingelsar som har vore viktige ved utarbeiding av selskapsstrategien.

Styret meiner at selskapet har ein tilfredsstillande organisasjon og leiing sett opp mot Selskapet sin noverande drift. Nye tiltak og endra arbeidsoppgåver gjer likevel at det i åra framover vil vere behov for kompetanseutvikling og gjennomføringskapasitet. Styret vil derfor løpande vurdere selskapet sin organisasjon opp mot dei oppgåver selskapet skal løyse, slik det er beskrive i selskapsstrategien.

## 13. ARBEIDSÅRET 2021

Styret vil rette ein stor takk til selskapet sine medarbeidarar. 2021 har, i periodar og som tidlegare år, vore krevjande for dei tilsette på grunn av høge krav til omstilling og effektivitet - og også fordi verksemda berører og engasjerer mange. I tillegg gav koronapandemien også dette året ein del utfordringar, m.a. vanskar med interne møteplassar, intern sosialisering og stor pågang på miljøstasjonane.

George Fulford  
styreleiar

Camilla Lovise Storøy  
nestleiar

Margareth Leinebø

Anne Holstad

Arnljot Muren

Kjartan Leidulf Grimstad

Bjarte Uglum

Arnstein Myklebust  
dagleg leiar

Dokumentet er elektronisk godkjend og har difor ingen handskriven signatur.



# VEDLEGG

## Vedlegg 1: Måloppnåing vedr. avfallsmengder 2021 på hushaldning

EU (og dermed også Norge) sine mål for materialgjenvinning (eller høgare i hierarkiet):

2020: 50%	2025: 55%	2030: 60%	2035: 65%
-----------	-----------	-----------	-----------

### SSR sine tal for 2021:

Nedstrømsløsning:	2021 i tonn:	2021 i prosent:	2020 i tonn:	2020 i prosent:
Ombruk / gjenbruk	264 tonn	2,9 %	236 tonn	2,4 %
Bioenergi	2191 tonn	23,9 %	2421 tonn	24,2 %
Materialgjenvinning	3664 tonn	40,0 %	4599 tonn	46,0 %
Energigjenvinning	2795 tonn	30,5 %	2449 tonn	24,5 %
Deponi	247 tonn	2,7 %	299 tonn	2,9 %
<b>Hushaldningsavfall totalt</b>	<b>9161 tonn</b>	<b>100 %</b>	<b>10004 tonn</b>	<b>100 %</b>
<b>Materialgjenvinning eller høgare i hierarkiet:</b>	<b>6119 tonn</b>	<b>66,8 %</b>	<b>7256 tonn</b>	<b>72,6 %</b>

**Ombruk/gjenbruk:** T.d. at klede, sko, ski, sykler, møblar, etc. blir brukt oppatt i staden for å bli kasta.

**Bioenergi:** Avfall som går til produksjon av biogass og flisfyring. Gjeld ikkje biodiesel.

**Materialgjenvinning:** Plast blir til plast, metall blir til nye metallprodukt, etc.


**Energigjenvinning:** Avfall blir brent for å produsere fjernvarme og elektrisitet.

**Deponi:** Avfall som går til deponering, t.d. asbest.

## Vedlegg 2: Kundetilfredsheit og utvikling i sjukefråveret

### Kundetilfredsheit:

Måla er at grada av kundetilfredsheit skal auke for kvart år framover.



Utviklinga i sjukefråveret har vore slik siste åra:

År:	Totalt sjukefråver:	Korttidsfråver:	Langtidsfråver:
2012	9,56 %	2,45 %	7,11 %
2013	12,29 %	2,25 %	10,04 %
2014	9,11 %	2,05 %	7,06 %
2015	6,79 %	1,90 %	4,89 %
2016	7,30 %	2,03 %	5,27 %
2017	5,27 %	1,86 %	3,41 %
2018	5,08 %	2,69 %	2,39 %
2019	7,21 %	2,38 %	4,83 %
2020	4,81 %	2,32 %	2,49 %
2021	9,10 %	0,60 %	8,50 %

# VEDLEGG

## Vedlegg 3: Klimarekneskap

Kontordrifta i SSR forureinar ikkje det ytre miljøet. Selskapet si øvrige verksemd forureinar i avgrensa grad det ytre miljøet. Som ansvarleg for å levere renovasjonstenester til over 11 000 husstandar er det eit betydeleg transportinnslag i dette arbeidet. Selskapet prøver å legge opp gode og rasjonelle transportløyisingar der miljøomsyn er tillagt stor vekt. Sluttbehandling av den totale innsamla avfallsmengda skjer på ein miljømessig forsvarleg måte, og etter gjeldande lover og reglar på området.

Gjennom aktivt å søke å realisere dei generelle miljømåla som eigarar og samfunn set for selskapet si verksemd, mellom anna ved systematisk å vidareutvikle ei moderne ordning for kjeldesortering, meiner styret at gjeldande krav til miljø og forureining er tatt hand om.

### Hushaldning:

Totalt 8895 tonn avfall (inkluderer ikkje 77 tonn på heimekompostering eller 0,5 tonn innlevert på gjenbrukstorget på miljøstasjonane våre). 24870 innbyggjarar i dei fire kommunane pr. slutten av 4. kvartal 2021 (tal frå SSB).

Tabell: Totalt utslepp og besparelsar i SSR 2021, hushaldning:

	Totalt klimautslepp (tonn CO <sub>2</sub> )		Per innbyggjar (kg CO <sub>2</sub> / innb.)	
	2020	2021	2020	2021
Utslepp frå transport	638	614	26	25
Utslepp frå forbrenning	2225	2287	89	92
CO <sub>2</sub> -red. frå forbrenning	-1862	-1799	-74	-72
CO <sub>2</sub> -red. frå gjenvinning	-7893	-6796	-315	-273
Total CO <sub>2</sub> -reduksjon	-6892	-5694	-275	-229

Utslepp frå transport (sjå tabell) bidreg til eit relativt lite utslepp på totalt 614 tonn CO<sub>2</sub>-ekvivalentar.

Det største utsleppet kjem frå forbrenning av avfall (2287 tonn CO<sub>2</sub>-ekvivalentar).

Sparing av miljøet kjem ved energi frå energigjenvinning som erstattar alternative energikjelder (1799 CO<sub>2</sub>-ekvivalentar) og materialgjenvinning og ombruk som erstattar framstilling av alternative ressursar (6796 CO<sub>2</sub>-ekvivalentar).

For utsorterte fraksjonar er gevinsten gjennomsnittleg på 1,221 tonn CO<sub>2</sub> per tonn avfall.

For restavfallet og grovavfallet er det eit netto utslepp på 0,188 tonn CO<sub>2</sub> per tonn avfall.

### Totalt, inkl. næring:

Totalt 14850 tonn avfall (inkluderer ikkje 77 tonn på heimekompostering eller 0,5 tonn innlevert på gjenbrukstorget på miljøstasjonane våre). 24870 innbyggjarar i dei fire kommunane pr. slutten av 4. kvartal 2021 (tal frå SSB).

Tabell: Tabell: Totalt utslepp og besparelsar i SSR 2021. Tala inkluderer både hushaldning og næring:

	Totalt klimautslepp (tonn CO <sub>2</sub> )		Per innbyggjar (kg CO <sub>2</sub> / innb.)	
	2020	2021	2020	2021
Utslepp frå transport	715	702	29	28
Utslepp frå forbrenning	3938	4211	157	169
CO <sub>2</sub> -red. frå forbrenning	-3065	-3273	-123	-132
CO <sub>2</sub> -red. frå gjenvinning	-11151	-10589	-446	-426
Total CO <sub>2</sub> -reduksjon	-9563	-8949	-382	-360

Utslepp frå transport (sjå tabell) bidreg til eit relativt lite utslepp på totalt 702 tonn CO<sub>2</sub>-ekvivalentar.

Det største utsleppet kjem frå forbrenning av avfall (4211 tonn CO<sub>2</sub>-ekvivalentar).

Sparing av miljøet kjem ved energi frå energigjenvinning som erstattar alternative energikjelder (3273 CO<sub>2</sub>-ekvivalentar) og materialgjenvinning og ombruk som erstattar framstilling av alternative ressursar (10589 CO<sub>2</sub>-ekvivalentar).

For utsorterte fraksjonar er gevinsten gjennomsnittleg på 1,235 tonn CO<sub>2</sub> per tonn avfall.

For restavfallet og grovavfallet er det eit netto utslepp på 0,169 tonn CO<sub>2</sub> per tonn avfall.



SSR

Saman tek vi vare på Søre Sunnmøre

57

Må ikke bli påført

Ut





Redaksjon: SSR / Martine Holm/Marte Værtal. Illustrasjonar: Hildegunn Welle/Fantastiske Osberget.  
Foto: Andrea Øien Sæverud, Marte Værtal, Vasco Pinhal, Jan Øve Hoddevik Trykk: Tindetrykk.no - trykt på 100% resirkulert papir



Saman tek vi vare på ressursane



SØRE SUNNMØRE REINHALDSVERK IKS  
Smårisevadet 20, N-6065 Ulsteinvik / Org.nr: NO 987 570 970 MVA / firmapost@reinhaldsverket.no / Telefon: 70 00 70 50 / reinhaldsverket.no